

“Singz Henzguek Byaraemx Cingsih Gyaeu Lumj Man”
Vwnzyi Veibau Comzyienj Angqhoh Cingsih Laeb Si

“山水边城 锦绣靖西”文艺汇报演出庆祝靖西设市



▲ Cingzgingj doiqfwen 《Aendomq Dahnuengx》.



▲ Yeznanz diengimz biujyienj 《Roenloh Dauqranz》.

12 nyied 11 hauh banhaemh, Cingsih laeb si vwnzyi veibau comzyienj youq Cingsih Yinzminz Veidanz banh. Gyoengq yenjyenz daj ndaw gih rog gih caeuq Yeznanz daeuj haenx, vih hekyouz caeuq vunzlai Cingsih daiq daeuj ciengz comzyienj ndeiyawj he.

Comzyienj youz gofoux 《Gyaeundei Gaenjcoi》 hainduj yienj, riengzlaeng, biujyienj ciengq 《Ahlili》、Yeznanz diengimz biujyienj 《Roenloh Dauqranz》、cingzgingj doiqfwen 《Aendomq Dahnuengx》、saucoz gagciengq 《Mbanjcuengh Gyaeundei》daengj cezmuz ndeiyawj cug aen hwnjdaiz yienj.

Ciuq cam rox, bi 2012, Cingsih hainduj guh hong doiq yienh laeb si. Bineix 8 nyied 5 hauh, Guekgya Minzcwngbu cingqsik baecinj Cingsih doiq yienh laeb si, Cingsih baenz Baksak Si aen daih’it yienhgaep si, hix dwg Guengjsae aen daihbet yienhgaep si. (Veiz Caijbingz/韦彩坪)

Sanhgyangh: Minzcuz Doxgiet
Coi Onjdingh Doi Hwngfat

三江:民族团结促稳定推发展

12 nyied 10 hauh, Sanhgyangh Duncuz Swciyen Fuluz Yangh minzcuz doxgiet diemjguhyiengh yizsi nem cingzcaen henzgyaiq hozdung youq aen yangh neix Fuluz Cunh Mbanjdwnghsai banh. Danggoenz hozdung seiz, gyoengq vunzmbanj dieg henzgyaiq yanghein gungh 200 lai boux doxcomz youq giz haenx, doenggvaq diuq dohyeh、boq aenvenz、ciengq Godung daengj fuengsik, danqciengq minzcuz doxgiet, senhconz swnghdai lajmbanj, doicaenh haiguh hong henzgyaiq huzndei.

Gaenh geij bi neix daeuj, Fuluz Yangh doenggvaq haiguh “laeuzgyong daudwz gyangjdangz” “lajmbanj gyaeundei comzyienj” daengj lai cungj hozdung, haiguh henzgyaiq vwnzmingz doxgyau, coicaenh dieg henzgyaiq huzndei caeuq onjdingh, doidoengh dieg henzgyaiq ginghei hwngfat、ndawbiengz cinbu.

(Gunj Yicungh/滚亿忠 Cau Yocuz/赵若竹)



▲ Boq aenvenz coi doxgiet.

Yungzsuij: Aen Guenjgeiqniemh Dingjhoenx
Yizbwnj Vunzmbanj Okcienz Hwnjguh Haiguenj

融水:村民筹建抗战纪念馆开馆



▲ Hekyouz cingq yawjgonz dingjhoenx dozbenq.

12 nyied 10 hauh, aen guenj-geiqniemh dingjhoenx Yizbwnj youz Yungzsuij Myauzcuz Swciyen Gamjbyaleix vunzmbanj okcienz hwnjguh haenx haiguenj, guenjgeiqniemh yungh veh、doz caeuq saw gangjmingz daengj fuengsik, baijyienj youq seiz dingj Yizbwnj gouq guek yindung, Liujcouh baihbaek gak cuz beksingq youq Cungguek Gungcanjdangj cujeiz lingjdauj caeuq yingjyangj baihlaj, gaenxmaenx haiguh dingjhoenx doucwng, laebbaenz vunzmbanj doihgaghen, haenq-rengz dingjhoenx Yizbwnj boux-ciemqhaeuj, henhoh gyaranz lizsij saedsaeh. Aen guenj neix ngoenznaengz doiq rog haicuengq mbouj aeu cienz. (Liu Swjyenh/廖子渊)

Ningzmingz Banh Gaiq Daih’it Hag-
dangz Heiq Cingzgingj Simleix Doxdax

宁明举办首届校园心理情景剧比赛

12 nyied 11 hauh, Ningzmingz Yen bi 2015 gaiq daih’it lwngyez caengz ndaej 18 bi hagdangz heiq cingzgingj simleix doxdax youq Ningzmingz Cunghyoz banh. Doxdax cawjdaez dwg “caemxswiq nditraeuj ndawsim, gagsaenq angqyangz ndangcangq”, faen baenz bouxcoz nyzrauhtuq caeuq lwngyezcuq guh doxdax, daengx yienh cungh siuj hagdangz、youwzyenz 25 aen heiq cingzgingj simleix cezmuz camgya doxdax. Doenggvaq banh heiq cingzgingj simleix doxdax, hawj hagseng youq biujyienj roxyiuj roxnaeuz caenndang ginggvaq saehcingz doengzseiz, daejniemh ndawsim bienqvaq、roxyiuj dauhleix ndawde, dajneix coicaenh bonjndang majhung, simlingz daezswng.

(Couh Yizganh/周贻刚 Luz Yiciuh/陆玉秋 Cau Yennih/赵燕妮)



▲ Hagseng cingq youq gwnz daiz yienj heiq.